



10198

尹相公京兆府中棠樹降甘露詩

甘露詩

相府尹京兆。政成人不欺。甘露降府庭。上天表無私。非無他人家。豈少群木枝。披茲甘棠樹。美掩召伯詩。團團甜如蜜。晶晶凝若脂。千柯玉光碎。萬葉珠顆垂。崑崙何時來。慶雲相逐飛。魏宮銅盤貯。漢帝金掌持。王澤布人和。精心動靈祇。君臣日同德。禎瑞方潛施。何術令大臣。感通能及茲。忽驚政化理。暗與神物期。却笑趙張輩。徒稱今古稀。為君下天酒。麴蘖將用時。

劉相公中書江山畫障

文苑集

十四

相府微墨妙。揮毫天地窮。始知丹青筆。能奪造化功。瀟湘在簾間。廬壑橫座中。忽疑鳳凰池。暗與江海通。粉白湖上雲。黛青天際峯。晝日恒見月。孤帆如有風。巖花不飛落。澗草無春冬。擔錫香爐緇。釣魚滄浪翁。如何平津意。尚想塵外蹤。富貴心獨輕。山林興彌濃。喧幽趣頗異。出處事不同。請君為蒼山。未可追赤松。

秋夕聽羅山人彈三峽流泉

皤皤岷山老。抱琴鬢蒼然。衫袖拂玉徽。為彈三峽泉。此曲彈未半。高堂如空山。石林何颼颼。忽在窓戶間。

繞指弄鳴咽。青絲激潺湲。演漾怨楚雲。虛徐韻秋烟。
疑兼陽臺雨。似雜巫山猿。幽引鬼神聽。淨令耳目便。
楚客腸欲斷。湘妃淚斑斑。誰裁青桐枝。桓以朱絲絃。
能含古人曲。遙與今人傳。知音難再逢。惜君方老年。
曲終月已落。惆悵東齋眠。

精衛

負劍出北門。乘桴適東溟。一鳥海上飛。云是帝女靈。
玉顏溺水死。精衛空為名。怨積徒有志。力微竟不成。
西山木石盡。巨壑何時平。

古今集

世五

石上藤

石上生孤藤。弱蔓依石長。不逢高枝引。未得凌空上。
何處堪託身。為君長萬丈。

七言古詩

青門歌送東臺張判官

青門金瑣平旦開。城頭日出使車回。青門柳枝正堪
折。路傍一日幾人別。東出青門路不窮。驛樓官樹灞
陵東。花撲征衣看似繡。雲隨去馬色疑驄。胡姬酒壚
日未午。絲繩玉缸酒如乳。灞頭落花沒馬蹄。昨夜微

雨花成泥。黃鸝翅濕飛屢低。關東尺書醉懶題。須臾望君不可見。揚鞭飛鞚疾於箭。借問使乎何時來。莫作東飛伯勞西飛燕。

梁園歌送河南王說判官

君不見梁孝王修竹園。頽墻隱嶙勢仍存。嬌蛾悞臉成草蔓。羅帷珠簾空竹根。大梁一旦人代改。秋月春風不相待。池中幾度鴈新來。洲上千年鶴應在。梁園二月梨花飛。却似梁王雪下時。當時置酒延枚叟。肯料平臺狐兔走。萬事翻覆如浮雲。昔人空在今人口。

卷之六

世六

單父古來稱處生。祗今為政有吾兄。輜軒若過梁園道。應傍琴臺聞政聲。

白雪歌送武判官歸京

北風卷地百草折。胡天八月即飛雪。忽如一夜春風來。千樹萬樹梨花开。散入珠簾濕羅幕。狐裘不暖錦衾薄。將軍角弓不得控。都護鐵衣冷難著。瀚海闌干百丈冰。愁雲慘淡萬里凝。中軍置酒飲歸客。胡琴琵琶與羌笛。紛紛暮雪下轅門。風掣紅旗凍不翻。輪臺東門送君去。去時雪滿天山路。山回路轉不見君。雪

上空留馬行處

熱海行送崔侍御還京

側聞陰中胡兒語。西頭熱海水如蒼。海上衆鳥不敢飛。中有鯉魚長且肥。岸傍青草常不歇。空中白雪遙旋滅。蒸沙爍石燃虜雲。沸浪炎波煎漢月。陰火潛燒天地爐。何事偏烘西一隅。熱吞月窟侵太白。氣連赤坂通單于。送君一醉天山郭。正見夕陽海邊落。栢臺霜威寒逼人。熱海炎氣為之薄。

走馬川行奉送出師西征

岑參集

世

君不見走馬川行雪海邊。平沙莽莽黃入天。輪臺九月風夜吼。一川碎石大如斗。隨風滿地石亂走。匈奴草黃馬正肥。金山西見烟塵飛。漢家大將西出師。將軍金甲夜不脫。半夜軍行戈相撥。風頭如刀面如割。馬毛帶雪汗氣蒸。五花連錢旋作冰。幕中草檄硯水疑。虜騎聞之心膽懾。料知短兵不敢接。車師西門佇獻捷。

輪臺歌奉送封大夫出師西征

輪臺城頭夜吹角。輪臺城北旄頭落。羽書昨夜過渠

黎單于已在金山西。戍樓西望烟塵黑。漢兵屯在輪
臺北。上將擁旌西出征。平明吹笛大軍行。四邊伐鼓
雪海湧。三軍大呼陰山動。虜塞兵氣連雲屯。戰場白
骨纏草根。劔河風急雲片濶。沙口石凍馬蹄脫。丞相
勤王甘苦辛。誓將報主靜邊塵。古來青史誰不見。今
見功名勝古人。

敷水歌送竇漸入京

羅敷昔時秦氏女。千載無人空處所。昔時流水至今
流。萬事皆逐東流去。此水東流無盡期。水聲還似舊

水本集

來時。岸花仍自羞紅臉。堤柳猶能學翠眉。春去秋來
不相待。水中月色長不改。羅敷養蚕空耳聞。使君五
馬今何在。九月霜天水正寒。故人西去度征鞍。水底
鯉魚幸無數。願君別後垂尺素。

函谷關歌送劉評事使關西

君不見函谷關。崩城毀壁至今在。樹根草蔓遮古道。
空谷千年長不改。寂寞無人空舊山。聖朝無事不須
關。白馬公孫何處去。青牛老人更不還。蒼苔白骨空
滿地。月與古時長相似。野茫茫不省見行人。山鳥何曾

識關吏故人方乘使者車。吾知郭丹却不如。請君時
憶關外客。行到關西多致書。

天山雪歌送蕭治歸京

天山雪雲常不開。千峯萬嶺雪崔嵬。北風夜捲赤亭
口。一夜天山雪更厚。能兼漢月照銀山。復逐胡風過
鐵關。交河城邊鳥飛絕。輪臺路上馬蹄滑。晝靄寒氛
萬里凝。闌干陰崖千丈冰。將軍狐裘卧不暖。都護寶
刀凍欲斷。正是天山雪下時。送君走馬歸京師。雲中
何以贈君別。惟有青青松樹枝。

岑參集

卅九

胡笳歌送顏真卿使赴河隴

君不聞胡笳聲。竄悲。紫髯綠眼胡人吹。吹之一曲猶
未了。愁殺樓蘭征戍兒。涼秋八月蕭關道。北風吹斷
天山草。崑崙山南月欲斜。胡人向月吹胡笳。胡笳怨
兮將送君。秦山遙望隴山雲。邊城夜夜多愁夢。向月
胡笳誰喜聞。

火山雲歌送別

火山突兀赤亭口。火山五月火雲厚。火雲滿山凝未
開。飛鳥千里不敢來。平明乍逐胡風斷。薄暮渾隨塞

兩回繚繞斜吞鐵關樹。氛氲半掩交河戍。迢迢征路
火山東。山上孤雲隨馬去。

秦箏歌送外生蕭正歸京

汝不聞秦箏聲。寂寞五絢。絢十三柱。怨調慢聲如
欲語。一曲未終。日移午。紅亭水木不知暑。忽彈黃鍾
和白紵。清風颯來雲不去。聞之酒醒淚如雨。汝歸秦
兮。彈秦聲。秦聲悲兮。聊送汝。

與獨孤漸道別長句兼呈嚴侍御

輪臺客舍春草滿。潁陽歸客腸堪斷。窮荒絕漠鳥不

飛。萬積千山夢猶懶。憐君白面一書生。讀書千卷未
成名。五侯貴門脚不到。數畝山田身自耕。興來浪跡
無遠近。及至辭家憶鄉信。無事垂鞭信馬頭。西南幾
欲窮天盡。奉使三年獨未歸。邊頭詞客舊來稀。借問
君來得幾日。到家不覺換春衣。高齋清晝捲羅幕。紗
帽接離幙。不着中酒朝眠日。色高彈棊夜半燈。花落
冰片高堆金錯盤。滿堂凜凜五月寒。桂林蒲萄新吐
蔓。武城刺密未可餐。軍中置酒夜過鼓。錦筵紅燭月
未午。花門將軍善胡歌。葉河蕃王能漢語。知爾園林

壓渭濱。夫人堂上泣羅裙。魚龍川北盤溪雨。烏鼠山
西洮水雲。臺中嚴公於我厚。別後新詩滿人口。自憐
棄置天西頭。因君為問相思否。

送郭又雜言

地上青草出。經冬今始歸。博陵無近信。猶未換春衣。
憐汝不忍別。送汝上酒樓。初行莫早發。且宿灞橋頭。
功名須及早。歲月莫虛擲。早年已工詩。近日兼注易。
何時過東洛。早晚渡盟津。朝歌城邊柳。鞞地邯鄲道。
上花撲人。去年四月初。我正在河朔。曾上君家縣北
樓。樓上分明見恒嶽。中山明府待君來。須計行程及
早回。到家速覓長安使。待汝書封我自開。

送費子歸武昌

漢陽歸客悲秋草。旅舍葉飛愁不掃。秋來倍憶武昌
魚。夢着只在巴陵道。曾隨上將過祁連。離家十年恒
在邊。劔鋒可惜虛用盡。馬蹄無事今已穿。知君開館
常愛客。樗蒲百金每一擲。平生有錢將與人。江上故
園空四壁。吾觀費子毛骨竒。廣眉大口仍赤髭。看君
失路尚如此。人生貴賤那得知。高秋八月歸南楚。東

門一壺聊出祖路指鳳皇山北雲衣沾鸚鵡洲邊雨
勿歎蹉跎白髮新應須守道勿羞貧男兒何必戀妻
子莫向江村老却人

送魏升卿擢第歸東都因懷魏校書陸渾喬

潭

井上梧桐雨灑亭卷秋風故人適戰勝匹馬歸山東
問君今年三十幾能使香名滿人耳君不見三峰直
上五千仞見君文章亦如此如君兄弟天下稀雄詞
健筆皆若飛將軍金印鞞紫綬御史鐵冠重繡衣喬

岑參集

四十二

生作尉別來久因君為問平安否魏侯校理復何如
前日人來不得書陸渾山水佳可賞蓬閣閒時日應
往自料青雲未有期誰知白髮偏能長壚頭青絲白
玉瓶別時相顧酒如傾搖鞭舉袂忽不見千樹萬樹
空蟬鳴

送張獻心充副使歸河西雜句

將門子弟君獨賢一從受命常在邊末年三十已高
位腰間金印色赭然前日承恩白虎殿歸來見者誰
不羨篋中賜衣十重餘案上軍書十二卷看君謀智

若有神愛君詞句皆清新。澄湖萬頃深見底。清水一片光照人。雲中昨夜使星動。西門驛樓出相送。玉瓶素蟻臘酒香。金鞍白馬紫遊韁。花門南。燕支北。張掖城頭磧雲黑。送君一去天外憶。

送魏四落第還鄉

東歸不稱意。客舍戴勝鳴。臘酒飲未盡。春衫縫已成。長安柳枝春欲來。洛陽梨花在前開。魏侯池館今尚在。猶有太師歌舞臺。君家盛德豈徒然。時人注意在吾賢。莫令別後無佳句。祇向壚頭空醉眠。

送韓巽入都覲省便赴舉

槐葉蒼蒼柳葉黃。秋高八月天欲霜。青門百壺送韓侯。白雲千里連嵩丘。北堂倚門望君憶。東歸扇枕後秋色。洛陽才子能幾人。明年桂枝是君得。

送李副使赴磧西官軍

火山六月應更熱。赤亭道口行人絕。知君慣度祁連城。豈能愁見輪臺月。脫鞍暫入酒家壚。送君萬里西擊胡。功名祇向馬上取。真是英雄一丈夫。

送宇文南金放後歸太原寓居因呈太原郝

主簿

歸去不得意。北京關路賒。却投晉山老。愁見汾陰花。
翻作灞陵客。憐君丞相家。夜眠旅舍雨。曉醉春城鴉。
送君繫馬青門口。胡姬壚頭勸君酒。為問太原賢主
人。春來更有新詩口。

西亭子送李司馬

高高亭子郡城西。直上千尺與雲齊。盤崖緣壁試攀
躋。群山向下飛鳥低。使君五馬天半嘶。絲繩玉壺為
君提。坐來一望無端倪。紅花綠柳鶯亂啼。千家萬井
連回溪。酒行未醉聞暮雞。點筆操紙為君題。為君題。
惜解携。草萋萋。沒馬蹄。

臨河客舍呈狄明府兄留題縣南樓

鳳陽城南雪正飛。黎陽渡頭人未歸。河邊酒家堪寄
宿。主人小女能縫衣。故人高卧黎陽縣。一別三年不
相見。邑中雨雪偏着時。隔河東郡人遙羨。鄴都唯見
古時血。漳水還如舊日流。城上望鄉應不見。朝來好
是懶登樓。

寄西嶽山人李岡

君隱處。當一星蓮花峰頭飯黃精。仙人掌上演丹經。
鳥可到。人莫攀。隱來十年不下山。袖中短書誰為達。
華陰道士賣藥還。

王門關蓋將軍歌

蓋將軍。真丈夫。行年三十執金吾。身長七尺頗有鬚。
王門關城迴且孤。黃沙萬里百草枯。南鄰犬戎北接
胡。將軍到來備不虞。五千甲兵膽力麤。軍中無事但
歡娛。暖屋繡簾紅地爐。織成壁衣花氍毹。燈前侍婢
瀉玉壺。金鎗亂點野野醅。紫綬金章左右趨。問着即

岑參集

四五

是蒼頭奴。美人一雙閒。且都朱唇翠眉映明眸。清歌
一曲世所無。今日喜聞鳳將雛。可憐絕味秦羅敷。使
君五馬謾踟躕。野草繡窠紫羅襦。紅牙鏤馬對樗蒲。
玉盤纖手撒作盧。衆中跨道不曾輸。櫪上昂昂皆駿
駒。桃花叱撥價最殊。騎將獵向城南隅。臘日射殺千
年狐。我來塞外按邊儲。為君取醉酒剩沽。醉爭酒盞
相喧呼。忽憶咸陽舊酒徒。

贈酒泉楊太守

太守有能政。遙聞如古人。俸錢盡供客。家計亦清貧。

酒泉西望玉關道。千山萬磧皆白草。辭君走馬歸長安。隱居倏忽令人老。

偃師東與韓樽同詣景雲暉上人即事

山陰老僧解楞伽。潁陽歸客遠相過。煙深草濕昨夜雨。雨後秋風渡漕河。空山終日塵事少。平郊遠見行人小。尚書磧上黃昏鐘。別駕渡頭一歸鳥。

漁父

扁舟滄浪叟。心與滄浪清。不自道鄉里。無人知姓名。朝從灘上飯。暮向蘆中宿。歌竟還復歌。手持一竿竹。

岑參集

四十六

竿頭釣絲長丈餘。鼓棹乘流無定居。世人那得識深意。此翁取適非取魚。

醉題匡城周少府壁

婦姑城南風雨秋。婦姑城中人獨愁。愁雲遮却望鄉處。數日不上西南樓。故人薄暮公事閒。玉壺美酒瓊珀殷。潁陽秋草今黃盡。醉卧君家猶未還。

燉煌太守後庭歌

燉煌太守才且賢。郡中無事高枕眠。太守到來山出泉。黃沙磧裏人種田。燉煌耆舊鬢皓然。願留太守更

五年城頭月出星滿天。曲房置酒張錦筵。美人紅粧色正鮮。倒垂高髻揀金鈿。醉坐藏鈎紅燭前。不知鈎在若箇邊。為君子把珊瑚鞭。射得半段黃金錢。此中樂事亦已偏。

梁州館中與諸判官夜集

彎彎月出掛城頭。城頭月出照梁州。梁州七里十萬家。胡人半解彈琵琶。琵琶一曲腸堪斷。風蕭蕭兮夜漫漫。河西幕中多故人。故人別來三五春。花樓門前見秋草。豈能貧賤相看老。一生大笑能幾回。斗酒相

岑參集

四七

逢須醉倒

喜韓樽相過

三月灞陵春已老。故人相逢耐醉倒。甕頭春酒黃花脂。祿米只充沽酒資。長安城中足年少。獨共韓侯開口笑。桃花點地紅班班。有酒留君且莫還。與君兄弟日携手。世上虛名好是閒。

酒泉太守席上醉後作

琵琶長笛曲相和。羞兒胡雛齊唱歌。渾炙犁牛烹野駝。交河美酒歸叵羅。三更醉後軍中寢。無奈秦山歸

夢何

登古鄴城

下馬登鄴城。城空復何見。東風吹野火。暮入飛雲殿。
城隅南對望陵臺。漳水東流不復回。武帝宮中人去
盡。年年春色為誰來。

銀山磧西館

銀山峽口風似箭。鐵門關西月如練。雙雙愁淚沾馬
毛。颯颯胡沙迸人面。丈夫三十未富貴。安能終日守
筆硯。

岑參集

四十一

邯鄲客舍歌

客從長安來。驅馬邯鄲道。傷心叢臺下。一旦生蔓草。
客舍門臨漳水邊。垂楊下繫釣魚船。邯鄲女兒夜沽
酒。對客挑燈誇數錢。酩酊醉時日正午。一曲狂歌壚
上眠。

宿蒲關東店憶杜陵別業

關門鎖歸路。一夜夢還家。月落河上曉。遙聞秦樹鴉。
長安二月歸正好。杜陵樹邊純是花。

感遇二首

五花驄馬七香車。云是平陽公子家。鳳皇城頭日欲斜。門前高樹鳴春鴉。漢家魯元君不聞。今作城西一古墳。昔來唯有秦王女。獨自吹簫乘白雲。北山有芳杜。靡靡花正發。未及得採之。秋風忽吹殺。君不見拂雲百丈青松柯。縱使秋風無奈何。四時嘗作青黛色。可憐柱花不相識。

客舍悲秋有懷兩省舊遊呈幕中諸公

三度為郎便白頭。一從出守五經秋。莫言聖主長不用。其那蒼生應未休。人間歲月如流水。客舍秋風今又起。不知心事向誰論。江上鳴蟬空滿耳。

岑參集

甲九

衛節度赤驃馬歌

君家赤驃畫不得。一團旋風桃花色。紅纓紫韉珊瑚鞭。玉鞍錦韉黃金勒。請君鞞出看君騎。尾長牽地如紅絲。自矜諸馬皆不及。却憶百金新買時。香街紫陌鳳城內。滿城見者誰不愛。揚鞭驟急白汗流。弄影行驕碧蹄碎。紫髯胡雛金剪刀。平明翦出三駿高。檻上看時獨意氣。衆中牽出偏雄豪。騎將獵向南山口。城南狐兔不復有。草頭一點疾如飛。欲使蒼鷹翻向後。

憶昨看君朝未央。鳴珂擁蓋滿路香。始知邊將真富貴。可憐人馬相輝光。男兒稱意得如此。駿馬長鳴北風起。待君東去掃胡塵。為君一日行千里。

田使君美人如蓮花北鋌歌

美人舞如蓮花旋。世人有眼應未見。高臺滿地紅氍毹。試舞一曲天下無。此曲胡人傳入漢。諸客見之驚且歎。慢臉嬌娥纖復穠。輕羅金縷花葱蘢。回裾轉袖若飛雪。左鋌右鋌生旋風。琵琶橫笛和未匝。花門山頭黃雲合。忽作出塞入塞聲。白草胡沙寒颯颯。翻身

入破如有神。前見後見回回新。始知諸曲不可比。採蓮落梅徒聒耳。世人學舞祇是舞。恣態豈能得如此。

裴將軍宅蘆管歌

遼東九月蘆葉斷。遼東小兒採蘆管。可憐新管清且悲。一曲風飄海頭滿。海樹蕭索天雨霜。管聲寥亮月蒼蒼。白狼河北堪愁恨。玄兔城南皆斷腸。遼東將軍長安宅。美人蘆管會佳客。弄調啾飈洞簫發。聲窈窕欺橫笛。夜半高堂客未回。祇將蘆管送君杯。巧能陌上驚楊柳。復向園中誤落梅。諸客愛之聽未足。高

捲珠簾列紅燭。將軍醉舞不肯休。更使美人吹一曲。

太白胡僧歌

并序

太白中峯絕頂有胡僧。不知幾百歲。眉長數寸。身不製繒帛。衣以草葉。恒持楞伽經。雲壁迥絕。人迹罕到。嘗東峰有鬪虎。弱者將死。僧杖而解之。西湫有毒龍。久而為患。僧器而貯之。商山趙叟。前年採茯苓。深入太白。偶值此僧。訪我而說。予恒有獨徃之意。聞而悅之。乃為歌曰。

聞有胡僧在太白。蘭若去天三百尺。一持楞伽入中

岑參集

卷一

峯。世人難見但聞鐘。牕間錫杖解兩虎。牀下鉢盂藏一龍。草衣不針復不線。兩耳垂肩眉覆面。此僧年幾那得知。手種青松今十圍。心將流水同清淨。身與浮雲無是非。商山老人已曾識。願一見之何由得。山中有僧人不識。城裏看山空黛色。

范公叢竹歌

并序

職方郎中兼侍御史范公。乃于陝西使院內種竹。新製叢竹詩以見。示美范公之清致雅操。遂為歌以和之。

世人見竹不解愛。知君種竹府庭內。此君託根幸得地。種來幾時聞已大。盛暑脩脩叢色寒。閒宵槭槭葉聲乾。能清案牘簾下見。宜對琴書牕外看。為君成陰將蔽日。迸笋穿階踏還出。守節偏凌御史霜。虛心願比即官筆。君莫愛南山松樹枝。竹色四時也不移。寒天草木黃落盡。猶自青青君始知。

優鉢羅花歌

并序

參嘗讀佛經。聞有優鉢羅花。目所未見。天寶庚申歲。參忝大理評事。攝監察御史。領伊西北庭度支副使。

岑參集

卷二

自公多暇。乃於府庭內。栽樹種藥。為山鑿池。婆娑乎其間。足以寄傲。交河小吏。有獻此花者。云得之于天山之南。其狀異於衆草。勢龍從如冠弁。嶷然上聳。生不傍引。攢花中折。駢葉外包。異香騰風。秀色媚景。因賞而歎曰。爾不生於中土。僻在遐裔。使牡丹價重。芙蓉譽高。惜哉。夫天地無私。陰陽無偏。各遂其生。自物厥性。豈以偏地而不生乎。豈以無人而不芳乎。適此花不遭小吏。終委諸山谷。亦何異懷才之士。未會明主。擯於林藪耶。因感而為歌。歌曰。

白山南赤山北其間有花人不識綠莖碧葉好顏色
葉六瓣花九房夜掩朝開多異香何不生彼中國兮
生西方移根在庭媚我公堂耻與衆草之為伍何亭
亭而獨芳何不為人之所賞兮深山窮谷委嚴霜吾
竊悲陽關道路長曾不得獻于君王

常負外家花樹歌

今年花似去年好去年人到今年老始知人老不如
花可惜落花君莫掃君家兄弟不可當列御御史尚
書郎朝回花底恒會客花撲玉缸春酒香

岑參集

五十三

蜀葵花歌

昨日一花開今日一花開今日花正好昨日花已老
人生不得恒少年莫惜牀頭沽酒錢請君有錢向酒
家君不見蜀葵花

醉後戲與趙歌兒

秦州歌兒歌正苦偏能立唱濮陽女座中醉客不得
意聞之一聲淚如雨向使逢着漢帝憐董賢氣咽不
能語

題李士曹廳壁畫度雨雲歌

似出棟梁裡如和風雨飛掾曹有時不敢歸謂言雨
過濕人衣

五言律詩

南樓送衛憲

近縣多過客似君誠亦稀南樓取凉好便送故人歸
鳥向望中滅雨侵晴處飛應須乘月去且為解征衣

送王伯倫應制授正字歸

當年最稱意數子不如君戰勝時偏許名高人共聞
半天城北雨斜日灞西雲科斗皆成字無令錯古文

古今集

五古

送宇文舍人出宰元城

雙鳧出未央千里過河陽馬帶新行色衣聞舊御香
縣花迎墨綬關柳拂銅章別後能為政相思淇水長

崔駙馬山池重送宇文明府

竹裏過紅橋花間藉綠苗池涼醒別酒山翠拂行鑣
鳳去粧樓閉鳧飛葉縣遙不逢秦女在何處聽吹簫

送李郎尉武康

潘郎腰綬新雲上縣花春山色低官舍湖光映麗人
不須嫌邑小莫即耻家貧更作東征賦知君有老親

磧西頭送李判官入京

一身從遠使。萬里向安西。漢月垂鄉淚。胡沙費馬蹄。
尋河愁地盡。過磧覺天低。送子軍中飲。家書醉裏題。
陪使君早春西亭送王贊府赴選

西亭繫五馬。為送故人歸。客舍草新出。關門花欲飛。
到來逢歲酒。却去換春衣。吏部應相待。如君才調稀。
送劉郎中歸河東

借問虎賁將。從軍凡幾年。殺人寶刀缺。走馬貂裘穿。
山雨醒別酒。關雲迎渡船。謝君賢主將。豈忘輪臺邊。

灑水東店送唐子歸嵩陽

野店臨官渡。重城壓御堤。山開灞水北。雨過杜陵西。
歸夢秋能作。鄉書醉懶題。橋回忽不見。征馬尚聞嘶。

西亭送蔣侍御還京

忽聞驄馬至。喜見故人來。欲語多時別。先愁計日回。
山河宜晚眺。雲霧待君開。為報烏臺客。須憐白髮催。

水亭送劉顯使還歸節度

無計留君住。應須絆馬蹄。紅亭莫惜醉。白日眼看低。
解帶憐高柳。移牀愛小溪。此來相見少。政事各東西。

送楊錄事充使

夫子方寸裏。清秋澄霽江。關西望第一。郡內政無雙。
狹室下珠箔。連宵傾玉缸。使乎仍未醉。斜月隱吟窓。
送裴判官自賊中再歸河陽幕府

東郊未解圍。忠義似君稀。誤落胡塵裏。能持漢節歸。
卷簾山對酒。上馬雪沾衣。却向嫖姚幕。翩翩去若飛。
送陝縣王主簿赴襄陽成親

六月襄山道。三星漢水邊。求凰應不遠。去馬賸須鞭。
野店愁中雨。江城夢裡禪。襄陽多故事。為我訪先賢。

送李卿賦得孤島石

一片他山石。巉巖映小池。綠窠攢剝蘚。尖碩坐鸕鷀。
水底看常到。花邊勢欲欹。君心能不轉。卿月豈相離。
送王錄事卻歸華陰王錄事自華陰尉授虢

州錄事參軍旬日卻復舊官

相送欲狂歌。其如此別何。攀轅人共惜。解印日無多。
仙掌雲重見。關門路再過。雙魚莫不寄。縣外是黃河。
送二十二兄北遊尋羅中

斗柄欲東指。吾兄方北遊。無媒謁明主。失計干諸侯。

夜雪入穿履。朝霜凝敝裘。遙知客舍飲。醉裡聞春鳩。
送鄭堪歸東京汜水別業

客舍見春草。忽聞思舊山。看君灞陵去。匹馬成皋還。
對酒風與雪。向家河復關。因悲宦遊子。終歲無時閒。

送崔全被放歸都覲省

夫子不自衛。世人知者稀。來傾阮氏酒。去著老萊衣。
渭北草新出。關東花欲飛。楚王猶自惑。宋玉且將歸。
送孟孺卿落第歸王屋別業

看君尚年少。不第莫悽然。可即被獻賦。山村歸種田。

岑參集

卷五

野花迎短褐。河柳拂長鞭。置酒聊相送。青門一醉眠。

送顏韶

遷客猶未老。聖朝今復歸。一從襄陽住。幾度梨花飛。
世事了可見。憐君人亦稀。相逢貪醉臥。未得作春衣。

送杜佐下第歸陸渾別業

正月今欲半。陸渾花未開。出關見青草。春色正東來。
夫子且歸去。明時方愛才。還須及秋賦。莫即隱蒿萊。

送張郎中赴隴右覲省卿公

中郎鳳一毛。世上獨賢豪。弱冠已銀印。出身唯寶刀。

還家卿月迥。度隴將星高。幕下多相識。邊書醉懶操。
送楚丘麴少府赴官

青袍美少年。黃綬一神仙。微子城東面。梁王苑北邊。
桃花色似馬。榆莢小於錢。單父聞相近。家書早為傳。

送蜀郡李掾

飲酒俱未醉。一言聊贈君。功曹善為政。明主還應聞。
夜宿劔門月。朝行巴水雲。江城橘花發。滿道香氣薰。
送鄭少府赴滄陽

子真河朔社。邑里帶清漳。春草迎袍色。晴花拂綬香。

青山入官舍。黃鳥度宮牆。若到銅臺上。應憐魏寢荒。
還高冠潭口留別舍弟

作日山有信。祇今耕種時。遙傳杜陵叟。恠我還山遲。
獨向潭上釣。無人林下碁。東溪為汝處。閒卧對鸕鷀。

醴泉東谿送程皓元敬微入蜀

蜀郡路漫漫。梁州過七盤。二人來信宿。一縣醉衣冠。
溪逼春衫冷。林交宴席寒。西南如噴酒。遙向雨中看。
夏初醴泉南樓送太康顏少府

何地堪相餞。南樓出萬家。可憐高處送。遠見故人車。

野果新成子。庭槐欲作花。愛君兄弟好書。向潁中誇。
送嚴詵擢第歸蜀

巴江秋月新。閣道蒺征輪。戰勝真才子。名高動世人。
工文能似舅。擢第去榮親。十月天官待。應須早及秦。
送張直公歸南鄭拜省

夫子思何速。世人皆歎奇。萬言不加點。七步猶嫌遲。
對酒落日後。還家飛雪時。北堂應久待。鄉夢促征期。
臨洮泛舟趙仙舟。自此庭罷使還京

白髮輪臺使。邊功竟不成。雲沙萬里地。孤負一書生。

池上風回舫。橋西雨過城。醉眠鄉夢罷。東望羨歸程。
送周子落第游荆南

足下復不第。家貧尋故人。且傾湘南酒。羞對關西親。
山店橘花發。江城楓葉新。若從巫峽過。應見楚王神。
送薛彥偉擢第東都

時輩似君稀。青春戰勝歸。名登郗詵第。身着老萊衣。
稱意人皆羨。還家馬若飛。一枝誰不折。棣萼獨相輝。
送張子尉南海

不擇南州尉。高堂有老親。樓臺重蜃氣。邑里雜鮫人。

海暗三山雨。花明五嶺春。以鄉多寶玉。慎莫厭清貧。

鳳翔府行軍送程使君赴成州

程侯新出守。好日發行軍。拜命時人羨。能官聖主聞。
江樓黑寒雨。山郭冷秋雲。竹馬諸童子。朝朝待使君。

送張升卿宰新淦

官柳葉尚小。長安春未濃。送君潯陽宰。把酒青門鐘。
水驛楚雲冷。山城江樹重。遙知南湖上。祇對香爐峰。

送陳子歸陸渾別業

雖不舊相識。知君丞相家。故園伊川上。夜夢方山花。

岑參集

序

種藥畏春過。出關愁路賒。青門酒壚別。日暮東城鴉。

稠桑驛喜逢嚴河南中丞便別

駟馬映花枝。人人夾路窺。離心且莫問。春草自應知。
不謂青雲客。猶思紫禁時。別君能幾日。看取鬢成絲。

送蒲秀才擢第歸蜀

去馬疾如飛。看君戰勝歸。新登郤詵第。更著老萊衣。
漢水行人少。巴山客舍稀。向南風候暖。臘月見春輝。

送郭司馬赴伊吾郡請示李明府

安西美少年。脫劍卸弓弦。不倚將軍勢。皆稱司馬賢。

秋山城灶面古治郡東邊江上舟中月遙思李郭仙
送滕亢擢第歸蘇州拜親

送爾姑蘇客滄波秋正涼橘懷三箇去桂折一枝香
湖上山當舍天邊水是鄉江村人事少時作捕魚郎

送任郎中出守明州

罷起郎官草初分刺史符城邊樓枕海郭裏樹侵湖
郡政傍連楚朝恩獨借吳觀濤秋正好莫不上姑蘇
臨洮客舍留別祁四

無事向邈外至今仍不歸三年絕鄉信六月未春衣

岑參集

卷一

客舍洮水眊孤城胡鴈飛心知別君後開口笑應稀

送弘文李校書往漢南拜親

未識已先聞清辭果出群如逢禰處士似見鮑參軍
夢暗巴山兩家連漢水雲慈親思愛子幾度泣霑裾

送李別將攝伊吾令克德赴武威便寄崔員

外

詞賦滿書囊胡為在戰場行間脫寶劔邑裏挂銅章
馬疾飛千里鳧飛向五涼遙知竹林下星使對星郎

送四鎮薛侍御東歸

相送淚沾衣。天涯獨未歸。將軍初得罪。門客復何依。
夢去胡山濶。書傳隴鴈稀。園林幸接近。一為到柴扉。

送張都尉東歸

白羽綠弓絃。年年只在邊。還家劔鋒盡。出塞馬蹄穿。
逐虜西踰海。平胡北到天。封侯應不遠。燕頤豈徒然。

送樊侍御使丹陽便覲

臥病窮巷晚。忽驚驄馬來。知君京口去。借問幾時回。
驛舫江風引。鄉書海鴈催。慈親應倍喜。愛子在霜臺。

送張卿郎君赴碭石尉

岑參集

卷三

卿家送愛子。愁見灞頭春。草羨青袍色。花隨黃綬新。
縣西函谷路。城北大陽津。日暮征鞍去。東郊一片塵。

送顏少府投鄭州

一尉便乘白。數年惟草玄。出關策匹馬。逆旅聞秋蟬。
愛客多酒債。罷官無俸錢。知君羈思少。所適主人賢。

趙少尹南亭送鄭侍御歸東臺

紅亭酒甕香。白面繡衣郎。砌冷蟲喧座。簾疎月到床。
鐘催離興急。絃逐醉歌長。關樹應先落。隨君滿路霜。

祁四再赴江南別詩

萬里來又去。三湘東復西。別多人換鬢。行遠馬穿蹄。
山驛秋雲冷。江帆暮雨低。憐君不解說。相憶在書題。
送許員外江外置常平倉

詔置海陵倉。朝推畫省郎。還家錦服貴。出使繡衣香。
水驛風催舫。江樓月透牀。仍懷陸氏橘。歸獻老親嘗。
送祕省虞校書赴虞卿丞

花綬傍腰新。關東縣欲春。殘書厭科斗。舊閣別麒麟。
虞坂臨官舍。條山映吏人。看君有知己。坦腹向平津。
送江陵泉少府赴任便呈衛荊州

水各集

卷三

神仙吏姓梅。人吏待君來。渭北草新出。江南花已開。
城邊宋玉宅。峽口楚王臺。不畏無知己。荊州甚愛才。

奉送李太保兼御史大夫充渭北節度使即
太尉光弼弟

詔出未央宮。登壇近總戎。上公周太保。副相漢司空。
弓抱關西月。旗翻渭北風。弟兄皆許國。天地荷成功。
送江陵黎少府

悔繫腰間綬。翻為膝下愁。那堪漢水遠。更值楚山秋。
新橘香官舍。征帆拂縣樓。王城不敢住。豈是愛荊州。

虢州送天平何丞入京市馬

關樹晚蒼蒼。長安近夕陽。回風醒別酒。細雨濕行裝。
習戰邊塵黑。防秋塞草黃。知君市駿馬。不是學燕王。

送揚州王司

君家舊淮水。水上到揚州。海樹青官舍。江雲黑郡樓。
東南隨去鳥。人吏待行舟。為報吾兄道。如今已白頭。

陝州月城樓送辛判官入秦

送客飛鳥外。城頭樓窳高。樽前遇風雨。牕裏動波濤。
謁帝向金殿。隨身唯寶刀。相思灞陵月。祇有夢偏勞。

送王七錄事赴虢州

早歲即相知。嗟君最後時。青雲仍未達。白髮欲成絲。
小店關門樹。長河華岳祠。弘農人吏待。莫使馬行遲。

闕鄉送上官秀才歸關西別業

風塵柰汝何。終日獨奔波。親老無官養。家貧在外多。
醉眠輕白髮。春夢渡黃河。相去關城近。何時更肯過。

送羽林長孫將軍赴歙州

剖竹向江濱。能名計日聞。隼旗新刺史。虎劔舊將軍。
驛舫宿湖月。州城浸海雲。青門酒樓上。欲別醉醺醺。

送崔主簿赴夏陽

常愛夏陽縣。往年曾再過。縣中饒白鳥。郭外是黃河。
地近行程少。家貧酒債多。知君新稱意。好得奈春何。

送梁判官歸女几別廬

女几知君憶。春雲相逐歸。草堂開藥裹。苔壁取荷衣。
老竹移時小。新花舊處飛。可憐真傲吏。塵事到山稀。

送懷州吳別駕

灞上柳枝黃。壚頭酒正香。春流飲去馬。暮雨濕行裝。
驛路通函谷。州城接太行。覃懷人總喜。別駕得王祥。

岑參集

卷五

送人歸江寧

楚客憶鄉信。向家湖水長。信愁春草綠。去喜桂枝香。
海月迎歸楚。江雲引到鄉。吾兄應借問。為報鬢毛霜。

送襄州任別駕

別乘向襄州。蕭條楚地秋。江聲官舍裏。山色郡城頭。
莫羨黃公蓋。須乘彥伯舟。高陽諸醉客。唯見古時丘。

送李司諫歸京

別酒為誰香。春官駁正郎。醉經秦樹遠。夢怯漢川長。
雨過風頭黑。雲開日脚黃。知君解起草。早去入文昌。

送絳州李司馬秩滿歸京因呈李兵部

久客厭江月。罷官思早歸。眼看春光老。羞見梨花飛。
劍北山居小。巴南音信稀。因君報兵部。愁淚日沾衣。

送崔貞外入秦因訪故園

欲謁明光殿。先趨建禮門。仙郎去得意。丞相正承恩。
竹裏巴山道。花間漢水源。憑將兩行淚。為訪邵平園。

送柳錄事赴梁州

英椽柳家郎。離亭酒甕香。折腰思漢北。隨傳過巴陽。
江樹連官舍。山雲到臥牀。知君歸夢積。來去劍川長。

岑參集

卷六

送帝侍御歸京

聞欲朝龍闕。應須拂豸冠。風霜隨馬去。炎暑為君寒。
客淚題書落。鄉愁對酒寬。先憑報親友。後月客長安。

送裴侍御赴歲入京

羨他驄馬郎。元日謁明光。立處聞天語。朝回惹御香。
臺寒栢樹綠。江暖柳條黃。惜別津亭暮。揮戈憶魯陽。

送顏評事入京

顏子人歎屈。宦遊今未遲。佇聞明主用。豈負青雲姿。
江柳秋吐葉。山花寒滿枝。知君客愁處。月落巴山時。

送趙侍御歸上都

驄馬五花毛。青雲歸處高。霜隨驅夏暑。風逐振江濤。
執簡皆推直。勤王豈告勞。帝城誰不戀。回望動離騷。

武威春暮聞宇文判官西使還已到晉昌

片雨過城頭。黃鸝上戍樓。塞花飄客淚。邊柳挂鄉愁。
白髮悲明鏡。青春換敝裘。君從萬里使。聞已到瓜洲。

虢州南池候嚴中丞不至

池上日相待。知君殊未回。徒交柳葉長。漫使梨花開。
駟馬去不見。雙魚空徃來。相思不解說。孤負舟中杯。

六參集

卷七

尋少室張山人聞與偃師周明府同入都

中峰鍊金客。昨日遊人間。葉縣鳧共去。葛坡龍暫還。
春雲湊深水。秋雨懸空山。寂寂青谿上。空餘丹竈閒。
歲暮磧外寄元撫

西風傳戍鼓。南望見前軍。沙磧人愁月。山城犬吠雲。
別家逢逼歲。出塞獨離群。髮到陽關白。書今遠報君。

寄宇文判官

西行殊未已。東望何時還。終日風與雪。連天沙復山。
二年領公事。兩度過陽關。相憶不可見。別來頭已斑。

郡齋南池招楊韓

郡僻人事少。雲山遮眼前。偶從池上醉。便向舟中眠。
與子居最近。同官情又偏。閒時耐相訪。正有牀頭錢。
高宮谷口招鄭鄴。

谷口來相訪。空齋不見君。澗花然暮雨。潭樹暖春雲。
門徑稀人迹。簷峰下鹿群。衣裳與枕席。山靄碧氛氲。
夜過盤豆隔河望。永樂寄閨中效齊梁體。

盈盈一水隔。寂寂二更初。波上思羅襪。魚邊憶素書。
月如眉已盡。雲似鬢新梳。春物知人意。桃花笑索居。

岑參集六

寄左省杜拾遺

聯步趨丹陛。分曹限紫微。曉隨天仗入。暮惹御香歸。
白髮悲花落。青雲得鳥飛。聖朝無闕事。自覺諫書稀。

春興思南山舊廬招柳建正字

終歲不得意。春風今復來。自憐蓬鬢改。羞見梨花開。
西掖誠可戀。南山思早回。園廬幸接近。相與歸蒿萊。
七月三日在內學見有高近道舉徵宿關西
客舍寄東山嚴許二山人

雲送關西雨。風傳渭北秋。孤燈然客夢。寒杵搗鄰愁。

灘上思嚴子。山中憶許由。蒼生今有望。飛詔下林丘。
丘中春臥寄王子

田中開白室。林下閉玄關。卷跡人方處。無心雲自閒。
竹深喧暮鳥。花缺露春山。勝事那能說。王孫去未還。
江行夜宿龍吼灘。臨眺思我眉隱者。兼寄幕

中諸公

官舍臨江口。灘聲人慣聞。水烟晴吐月。山火夜燒雲。
且欲尋方士。無心戀使君。異鄉何可住。况復久離群。
敬酬李判官使院即事見呈

岑參集

完

公府日無事。吾徒只是閒。草根侵柱礎。苔色上門關。
飲硯時見鳥。卷簾晴對山。新詩吟未足。昨夜夢東還。

魏州酬辛侍御見贈

門柳葉已大。春花今復闌。鬢毛方二色。愁緒日千端。
夫子屢新命。鄙夫仍舊官。相思難見面。時展尺書看。
酬崔十三侍御登玉壘山思故園見寄

玉壘天晴望。諸峯盡覺低。故園江樹北。斜日嶺雲西。
曠野看人小。長空共鳥齊。山高徒仰止。不得日攀躋。

奉和杜相公初夏發京城作

按節辭黃閣。登壇戀赤墀。銜恩期報主。授律遠行師。
野鵲迎金印。郊雲拂畫旗。叨陪幕中客。敢和出車詩。
漢川山行呈成少尹

西蜀方携手。南宮憶比肩。平生猶不淺。羈旅轉相憐。
山店雲迎客。江村犬吠船。秋來取一醉。須待月光眠。
春日醴泉杜明府承恩五品宴席上賦詩

鳧鳥舊稱仙。鴻私降自天。青袍移草色。朱綬奪花然。
邑裏雷仍震。臺中星欲懸。吾兄此棲棘。因得賀初筵。

陪使君早春東郊遊眺

史參集

太守擁朱輪。東郊物候新。鶯聲隨坐嘯。柳色換行春。
谷口雲迎馬。溪邊水照人。郡中叨佐理。何幸接芳塵。
雪後與群公過慈恩寺

乘興忽相招。僧房暮與朝。雪融雙樹濕。紗閣一燈燒。
竹外山低塔。藤間院隔橋。歸家如欲懶。俗慮向來銷。
與鄆縣群官汎羨陂

萬頃浸天色。千尋窮地根。舟移城入樹。岸潤水浮村。
閒鷺驚簫管。潛蚪傍酒罇。暝來呼小吏。列火儼歸軒。

與鄆縣源少府汎羨陂

載酒入天色。水涼難醉人。清搖縣郭動。碧洗雲山新。
吹笛驚白鷺。垂竿跳紫鱗。憐君公事後。陂上日娛賓。
終南東溪中作

溪水碧於草。潺潺花底流。沙平堪濯足。石淺不勝舟。
洗藥朝與暮。釣魚春復秋。興來從所適。還欲向滄洲。
與鮮于庶子泛漢江

急管更須吹。杯行莫遣遲。酒光紅琥珀。江色碧琉璃。
日影浮歸棹。蘆花罨釣絲。山公醉不醉。問取葛疆知。
晦日陪侍御泛北池

岑參集

七

春池滿復寬。晦節耐邀歡。月帶蝦蟇冷。霜隨獬豸寒。
水雲低錦席。岸柳拂金盤。日暮舟中散。都人夾道看。
早春陪崔中丞同汎浣花溪宴

旌節臨溪口。寒郊陡覺暄。紅亭移酒席。畫舸逗江村。
雲帶歌聲颺。風飄舞袖翻。花間催秉燭。川上欲黃昏。
晚過盤石寺禮鄭和尚

暫詣高僧話。來尋野寺孤。岸花藏水碓。谿竹映風爐。
頂上巢新鶴。衣中得舊珠。談禪未得去。輟棹且踟蹰。

登涼州月臺寺

胡地三月半。梨花今始開。因從老僧飯。更上夫人臺。
清唱雲不去。彈弦風颯來。應須一倒載。還似山公回。

登總持閣

高閣逼諸天。登臨近日邊。晴開萬井樹。愁看五陵烟。
檻外低秦嶺。窓中小渭川。早知清淨理。常願奉金仙。

題金城臨河驛樓

古戍依重險。高樓見五涼。山根盤驛道。河水浸城牆。
庭樹巢鸚鵡。園花隱麝香。忽如江浦上。憶作捕魚郎。

郡齋平望江山

岑參集

水路東連楚。人煙北接巴。山光圍一郡。江月照千家。
庭樹純栽橘。園畦半種茶。夢魂知憶處。無夜不京華。

携琴酒尋閻防崇濟寺所居僧院

相訪但尋鐘。門寒古殿松。彈琴醒暮酒。卷幔引諸峯。
事愜林中語。人幽物外蹤。吾廬幸接近。茲地興偏慵。

春尋河陽陶處士別業

風暖日暎暎。黃鸝飛近村。花明潘子縣。柳暗陶公門。
藥椀搖山影。魚竿帶水痕。南橋車馬客。何事苦喧喧。

題永樂常少府廳壁

大河南郭外。終日氣昏昏。白鳥下公府。青山當縣門。
故人是邑尉。過客駐征軒。不憚煙波濶。思君一笑言。
宿岐州北郭嚴給事別業

郭外山色暝。主人林館秋。疎鐘入卧内。片月到牀頭。
遙夜惜已半。清言殊未休。君雖在青瑣。心不忘滄洲。
暮秋會嚴京兆後廳竹齋

京尹小齋寬。公庭半藥闌。甌香茶色嫩。牕冷竹聲乾。
盛德中朝貴。清風畫省寒。猷將吏部鏡。照取寸心看。
尋楊七郎中宅即事

萬事信蒼蒼。機心久已忘。無端來出守。不是厭為郎。
雨滴芭蕉赤。霜催橘子黃。逢君開口笑。何處有他鄉。
題新鄉王金廳壁

憐君守一尉。家計復清貧。祿米嘗不足。俸錢供與人。
城頭蘇門樹。陌上黎陽塵。不是舊相識。聲同心自親。
題山寺僧房

牕影搖群木。牆陰戴一峯。野爐風自爇。山碓水能舂。
勤學翻知誤。為官好欲慵。高僧暝不見。月出但聞鐘。

喜華陰王少府使到南池宴集

有客至鈴下。自言身姓梅。仙人掌裡使。黃帝鼎邊來。
竹影拂碁局。荷香隨酒杯。池前堪醉卧。待月未須回。
行軍雪後月夜宴王卿家

子夜雪華餘。卿家月影初。酒香薰枕席。爐氣暖軒除。
晚歲宦情薄。行軍歡宴疎。相逢剩取醉。身外是空虛。
奉陪封大夫九日登高

九日黃花酒。登高會昔聞。霜威逐亞相。殺氣傍中軍。
橫笛驚征鴈。嬌歌落塞雲。邊頭幸無事。醉舞荷吾君。
奉陪封大夫宴得征字時封公兼鴻臚卿

岑參集

西邊虜盡平。何處更專征。幕下人無事。軍中政已成。
坐參殊俗語。樂雜異方聲。醉裏東樓月。偏能照列卿。
陪封大夫宴瀚海亭納涼

細管雜清絲。千杯倒接巵。軍中乘興出。海上納涼時。
日沒飛鳥急。山高雲過遲。吾從大夫後。歸路擁旌旗。
虢州西亭陪端公宴集

紅亭出鳥外。駿馬繫雲端。萬頃牕前睥。千家肘底看。
開瓶酒色嫩。踏地葉聲乾。為逼霜臺使。重裘也覺寒。

虢州臥疾喜劉判官相過水亭

卧疾嘗晏起。朝來頭未梳。見君勝服藥。清話病能除。
低柳供繫馬。小池堪釣魚。觀棋不覺暝。月出水亭初。
梁州陪趙行軍龍岡寺北庭泛舟宴王侍御
誰宴霜臺使。行軍粉署郎。唱歌江鳥沒。吹笛岸花香。
酒影搖新月。灘聲聒夕陽。江鐘聞已暮。歸棹綠川長。
河西春暮憶秦中

渭北春已老。河西人未歸。邊城細草出。客館梨花飛。
別後鄉夢數。昨來家信稀。涼州三月半。猶未脫寒衣。
過酒泉憶杜陵別業

岑參集

七五

昨夜宿祁連。今朝過酒泉。黃沙西際海。白草北連天。
愁裏難消日。歸期尚隔年。陽關萬里夢。知處杜陵田。
宿鐵關西館

馬汗踏成泥。朝馳幾萬蹄。雪中行地角。火處宿天倪。
塞迥心常怯。鄉遙夢亦迷。那知故園月。也到鐵關西。
早發馬耆懷終南別業

曉笛引鄉淚。秋水鳴馬蹄。一身虜雲外。萬里胡天西。
終日見征戰。連年聞鼓鞞。故山在何處。昨日夢清溪。
登臨洮將赴北庭留別

聞說輪臺路。連年見雪飛。春風不曾到。漢使亦應稀。
白草通疎勒。青山過武威。勤王敢道遠。私向夢中歸。

首秋輪臺

異域陰山外。孤城雪海邊。秋來唯有鴈。夏盡不聞蟬。
雨拂氍毹濕。風搖毳幕羶。輪臺萬里地。無事歷三年。

北庭作

鴈塞通鹽澤。龍堆接醋溝。孤城天北畔。絕域海西頭。
秋雪春仍下。朝風夜不休。可知年四十。猶自未封侯。

輪臺即事

岑參集

五十六

輪臺風物異。地是古單于。三月無青草。千家盡白榆。
蕃書文字別。胡俗語音殊。愁見流沙北。天西海一隅。

還東山洛上作

春流急不淺。歸棹去何遲。愁客葉舟裏。夕陽花木時。
雲晴開蝶竦。棹蕞起鷗鷗。莫道東山遠。衡門在夢思。

楊固店

客舍梨葉赤。鄰家聞搗衣。夜來嘗有夢。墜淚綠思歸。
洛水行欲盡。緱山看漸微。長安秣千里。何事信音稀。

巴南舟中思陸渾別業

灑水南州遠。巴山北客稀。嶺雲撩亂起。溪鷺等閒飛。
鏡裏愁衰鬢。舟中換旅衣。夢魂知憶處。無夜不先歸。

晚蒞五渡

客厭巴南地。鄉鄰劔北天。江村片雨外。野寺夕陽邊。
芋葉藏山徑。蘆花雜渚田。舟行未可住。乘月且須牽。
巴南舟中夜書事

渡口欲黃昏。歸人爭渡喧。近鐘清野寺。遠火點江村。
見鴈思鄉信。聞猿積淚痕。孤舟萬里夜。秋月不堪論。

初授官題高冠草堂

岑參集

七

三十始一命。宦情都欲闌。自憐無舊業。不敢耻微官。
澗水吞樵路。山花醉藥欄。祇緣五斗米。辜負一漁竿。

題虢州西樓

錯料一生事。蹉跎今白頭。縱橫皆失計。妻子也堪羞。
明主雖然棄。丹心亦未休。愁來無去處。祇上郡西樓。

省中即事

華省謬為郎。蹉跎鬢已蒼。到來恒襍被。隨例且含香。
竹影遮窓暗。花陰拂簟涼。君王新賜筆。莫奏向明光。

江上春歎

臘月江上暖。南橋新柳枝。春風觸處到。憶得故園時。
終日不如意。出門何所之。從人覓顏色。自笑弱男兒。
初至犍為作

山色軒檻內。灘聲枕席間。草生公府靜。花落訟庭閒。
雲雨連三峽。風塵接百蠻。到來能幾日。不覺鬢毛斑。

成王挽歌

幽山悲舊桂。長坂愴餘蘭。地底孤燈冷。泉中一鏡寒。
銘旌門客送。騎吹路人看。漫作琉璃椀。淮王誤合丹。

苗侍中挽歌二首

岑參集

卷八

攝政朝章重。持衡國相尊。筆端通造化。掌內運乾坤。
青史遺芳滿。黃樞故事存。空悲渭橋路。誰對漢皇言。

其二

天子悲元老。都人惜上公。優賢几杖在。會葬市朝空。
丹旒翻斜日。清笳怨暮風。平生門下客。繼美廟堂中。

故僕射裴公挽歌三首

盛德資邦傑。嘉謨作世程。門瞻駟馬貴。時仰八裴名。
罷市秦人送。還鄉絳老迎。莫埋丞相印。留着付玄成。

其一

五府瞻高位。三台喪大賢。禮容還故絳。寵贈冠新田。
氣歇汾陰鼎。魂歸京兆天。先時劔已波。壠樹久蒼然。

其三

富貴徒言久。鄉閭沒後歸。錦衣都未着。丹旆忽先飛。
哀挽辭秦塞。悲笳出帝畿。遙知九原上。漸覺弔人稀。

河西太守杜公挽歌四首

蒙叟悲藏壑。殷宗惜濟川。長安非舊日。京兆是新阡。
黃霸官猶屈。蒼生望已愆。唯餘卿月在。留向杜陵懸。

其二

岑參集

七九

鼓角城中出。墳塋郭外新。雨隨思太守。雲從送夫人。
萬里埋雙劔。松門閉萬春。回瞻北堂上。金印已生塵。

其三

憶昨明光殿。新承天子恩。剖符移北地。受鉞領西門。
塞草迎軍幕。邊雲拂使軒。至今聞壠水。戎虜尚亡魂。

其四

漫漫澄波濶。眈眈大廈深。秉心常匪席。行義每揮金。
汲引窺蘭室。招携入翰林。多君有令子。猶注世人心。
故河南尹岐國公贈工部尚書蘇公挽歌二

首

河尹恩榮舊尚書。寵贈新一門。傳畫戟。幾世駕朱輪。
夜色何時曉。泉臺不復春。唯餘朝服在。金印已生塵。

其二

白日扃泉戶。青春掩夜臺。舊堂階草長。空院砌花開。
山晚銘旌去。郊寒騎吹迴。三川難可見。應惜庾公才。

韓員外夫人清河縣君崔氏挽歌二首

令德當時重。高門舉世推。從夫榮已絕。封邑寵難追。
陌上人皆惜。花間鳥亦悲。仙郎看隴月。猶憶畫眉時。

岑參集

十

遽聞傷別劍。忽復歎藏舟。燈冷泉中夜。衣寒地下秋。
青松弔客淚。丹旆路人愁。徒有清河在。空悲逝水流。

詠郡齋壁畫片雲

雲片何人畫。塵侵粉色微。未曾行雨去。不見逐風歸。
只恠偏凝壁。回看欲惹衣。丹青忽借便。移向帝鄉飛。

臨洮龍興寺玄上人院同詠青木香叢

移根自遠方。種得在僧房。六月花新吐。三春葉已長。
抽莖高錫杖。引影到繩牀。只為能除疾。傾心向藥王。

使院中新栽栢樹子呈李十五栖筠

愛爾青青色移根此地來不曾臺上種留向磧中栽
脆葉欺門柳狂花笑院梅不須愁歲晚霜露豈能摧
長門怨

君王嫌妾妬閉妾向長門舞袖垂新寵愁眉結舊恩
綠錢生履迹紅粉濕啼痕羞被桃花笑看春獨不言
七言律詩

使君席夜送嚴河南赴長水

嬌歌急管雜青絲銀燭金杯映翠眉使君地主能相
送河尹天明坐莫辭春城月出人皆醉野戍花深馬

去遲寄聲報爾山翁道今日河南勝昔時

暮春號州東亭送李司馬歸扶風別廬

柳鞦鶯嬌花復殷紅亭綠酒送君還到來函谷愁中
月歸去磻溪夢裡山簾前樹色應須惜世上浮名好
是閒西望鄉關腸欲斷對君衫袖淚痕斑

九日使君席奉餞衛中丞赴長水

節使橫行西出師鳴弓擐甲羽林兒臺上霜風凌草
木軍中殺氣傍旌旗預知漢將承恩日正是胡塵欲
滅時為報使君多汎菊更將絃管醉東籬

和祠部王員外雪後早朝即事

長安雪後似春歸。積素凝華連曙暉。色借玉珂迷曉
騎。光添銀燭晃朝衣。西山落月臨天仗。北闕晴雲捧
禁闈。聞道仙郎歌白雪。由來此曲和人稀。

奉和賈至舍人早朝大明宮

鷄鳴紫陌曙光寒。鶯轉皇州春色闌。金闕曉鐘開萬
戶。玉階仙仗擁千官。花迎劔珮星初落。柳拂旌旗露
未乾。獨有鳳凰池上客。陽春一曲和皆難。

赴嘉州過城固縣尋永安超禪師房

岑參集

八

滿樹枇杷冬着花。老僧相見具袈裟。漢王城北雪初
霽。韓信臺西日欲斜。門外不須催五馬。林中且聽演
三車。豈料巴川多勝事。為君書此報京華。

首春渭西郊行呈藍田張二王簿

回風度雨渭城西。細草新花踏作泥。秦女峯頭雪未
盡。胡公陂上日初低。愁窺白髮羞微祿。悔別青山憶
舊溪。聞道輞川多勝事。玉壺春酒正堪携。

西掖省即事

西掖重雲開曙暉。北山疎雨點朝衣。千門柳色開青

鎖三殿花香入紫微。平明端笏陪駕列。薄暮垂鞭信馬歸。官拙自悲頭白盡。不如巖下掩荆扉。

秋夕讀書幽興獻兵部李侍郎

年紀蹉跎四十強。自憐頭白始為郎。雨滋苔蘚侵階綠。秋颯梧桐覆井黃。驚蟬也解求高樹。旅雁還應厭後行。覽卷試穿鄰舍壁。明燈何惜借餘光。

奉和相公發益昌

相國臨戎別帝京。擁麾持節遠橫行。朝登劔閣雲隨馬。曉渡巴江雨洗兵。山花萬朵迎征蓋。川柳千條拂

去旌。暫到蜀城應計日。須知明主待持衡。

五言排律

送嚴黃門拜御史大夫再鎮蜀川兼覲省

授鉞辭金殿。承恩戀玉墀。登壇漢主用。講德蜀人思。副相韓安國。黃門向子期。刀州重入夢。劔閣再題詞。春草連青綬。晴花間赤旗。山鶯朝送酒。江月夜供詩。許國分憂日。榮親色養時。蒼生望已久。來去不應遲。

送郭僕射節制劔南

鐵馬擐紅纓。幡旗出禁城。明王親授鉞。丞相欲專征。

王饌天厨送金杯御酒傾。劍門乘險過，閣道踏空行。
山鳥驚吹笛，江猿看洗兵。曉雲隨去陣，夜月逐行營。
南仲今時往，西戎計日平。將心感知已，萬里寄懸旌。

送盧郎中除杭州赴任

罷起郎官草，初分刺史符。海雲迎過楚，江月引歸吳。
城底濤聲振，樓端蜃氣孤。千家窺驛舫，五馬飲春湖。
柳色供詩用，鶯聲送酒湏。知君望鄉處，枉道上姑蘇。

奉送李賓客荆南迎親

迎親辭望苑，恩詔下儲闈。昨見雙魚去，今看駟馬歸。

驛帆湘水潤，客舍楚山稀。手把黃香扇，身披萊子衣。
鵲隨金印喜，烏傍板輿飛。勝作東征賦，還家滿路輝。

送嚴維下第還江東

初歎今不第，似君殊未逢。且歸滄洲去，相送青門時。
望鳥指鄉遠，問人愁路疑。敝裘沾暮雪，歸棹帶流澌。
嚴子灘復在，謝公文可追。江臯如有信，莫不寄新詩。

六月十三日水亭送華陰王少府還縣

亭晚人將別，池涼酒未酣。關門勞夕夢，仙掌引歸驂。
荷葉藏魚艇，藤花冒客簷。殘雲收夏暑，新雨帶秋嵐。

失路情無適。離懷思不堪。賴茲庭戶裏。別有小江潭。
錢王峯判官赴襄陽道

故人漢陽使。走馬向南荆。不厭楚山路。祇憐襄水清。
津頭習氏宅。江上夫人城。夜入橘花宿。朝穿楓葉行。
害群應自懾。持法固須平。暫得青門醉。斜光速去程。
送薛弁歸河東

薛侯故鄉處。五老峯西頭。歸路秦樹滅。到鄉河水流。
看君馬首去。滿耳蟬聲愁。獻賦今未售。讀書凡幾秋。
應過伯夷廟。為上關城樓。樓上能相憶。西南指雍州。

送薛播擢第歸河東

歸去新戰勝。盛名人共聞。鄉連渭川樹。家近條山雲。
夫子能好學。聖朝全用文。弟兄負世譽。詞賦超人羣。
雨氣醒別酒。城陰低暮曛。遙知出關後。更有一終軍。

早秋與諸子登虢州西亭觀眺

亭高出鳥外。客到與雲齊。樹點千家小。天圍萬嶺低。
殘虹挂陝北。急雨過關西。酒榼綠青壁。瓜田傍綠溪。
微官何足道。愛客且相携。唯有鄉園處。依依望不迷。

佐郡思舊遊

并序

己亥歲春三月參自補闕轉起居舍人夏四月署魏州長史適見秋草涼風復來昔桓譚出為六安丞常忽忽不樂今知之矣悲州縣瑣屑思掖垣清閒因呈左右省舊遊

幸得趨紫殿却憶侍丹墀史筆衆推直諫書人莫窺平生恒自負垂老此安卑同類皆先達非才獨後時庭槐宿鳥亂階草夜蟲悲白髮今無數青雲未有期

和刑部成員外秋寓直寄臺省知己

列宿光三署仙郎直五宵時衣天子賜厨膳太官調

岑參集

十四

長樂鐘應迤明光漏不遙黃門持被覆侍女捧香燒筆為題詩點燈緣起草挑竹喧交砌葉柳鞦拂窓條粉署榮新命霜臺憶舊寮名香播蘭蕙價重蘊瓊瑶擊水翻滄海搏風透赤霄微才喜同舍何幸忽聞詔

五言絕句

寄韓樽

夫子素多疾別來未得書北庭苦寒地體內今何如尚書念舊垂賜袍衣率題絕句獻上以申感

謝

富貴情還在相逢豈間然。裊袍更有贈猶荷故人憐。
題井陘雙溪李道士所居

五粒松花酒。雙溪道士家。唯求縮却地。鄉路莫交賒。
題雲際南峯朗上人讀經堂

結宇題三藏。焚香老一峯。雲間獨坐卧。祇是對杉松。
題梁錕城中高居

居住最高處。千家恒眼前。題詩飲酒後。只對諸峯眠。
同群公題張處士菜園

耕地桑柘間。地肥菜恒熟。為問葵藿資。何如廟堂肉。

題三會寺倉頡造字臺

野寺荒臺晚。寒天古木悲。空階有鳥跡。猶似造書時。
日沒賀延磧作

沙上見日出。沙上見日沒。悔向萬里來。功名是何物。
憶長安曲二章寄龐灌

東望望長安。正值日初出。長安不可見。喜見長安日。
其二

長安何處在。只在馬蹄下。明日歸長安。為君急走馬。
西過渭州見渭水思秦川

渭水東流去。何時到雍州。憑添兩行淚。寄向故園流。
經隴頭分水

秋思

隴水何年有。潺潺逼路傍。東西流不歇。曾斷幾人腸。
那知芳歲晚。坐見寒葉墮。吾不如腐草。飜飛作螢火。
行軍九日思長安故園

戲題關門

強欲登高去。無人送酒來。遙憐故園菊。應傷戰場開。
來亦一布衣。去亦一布衣。羞見關城吏。還從舊路歸。

岑參集

歎白髮

白髮生太速。交人不柰何。今朝兩鬢上。更較數莖多。

減胡曲

都護新減胡。士馬氣亦麤。蕭條虜塵淨。突兀天山孤。

題平陽郡汾橋邊柳樹

此地曾居住。今來宛似歸。可憐汾上柳。相見也依依。

醉裏送裴子赴鎮西

醉後未能別。醒時方送君。看君走馬去。直上天山雲。

七言絕句

武威送判官赴磧西行軍

火山五月人行少。看君馬去疾如鳥。都護行營太白
西角聲一動。胡天曉。

虢州後亭送李判官使赴晉絳

西原驛路挂城頭。客散紅亭雨未收。君去試看汾水
上。白雲猶似漢時秋。

五月四日送王少府歸華陰

仙掌分明引馬頭。西看一點是關樓。五日也須應到
舍。知君不肯更淹留。

原頭送范侍御

百尺原頭酒色殷。路傍驄馬汗斑斑。別君祇有相思
夢。遮莫千山與萬山。

送李明府赴睦州便拜覲太夫人

手把銅章望海雲。夫人江上泣羅裙。嚴灘一點舟中
月。萬里烟波也夢君。

虢州西山亭子送范端公

百尺紅亭對萬峯。平明相送到齋鐘。駉馬勸君皆卸
却。使君家醞舊來濃。

奉送賈侍御使江外

新騎駉馬復承恩，使出金陵過海門。
荆南渭北難相聚，見莫惜衫襟着淚痕。

崔倉曹席上送殷寅充石相判官赴淮南

清淮無底綠江深，宿處津亭楓樹林。
駉馬欲辭丞相府，一尊須盡故人心。

送崔子還京

匹馬西從天外歸，揚鞭只共鳥爭飛。
送君九月交河北，雪裡題詩淚滿衣。

岑參集

入蒲關先寄秦中故人

秦山數點似青螺，渭水一條如白練。
京師故人不可見，寄將兩眼看飛燕。

過燕支寄杜位

燕支山西酒泉道，北風吹沙卷白草。
長安遙在日光邊，憶君不見令人老。

首着峯寄家人

首着峯邊逢立春，胡蘆河上淚沾巾。
閨中只是空相憶，不見沙場愁殺人。

王關寄長安李主簿

東去長安萬里餘。故人那惜一行書。
王關西望堪腸斷。况復明朝是歲除。

趙將軍歌

九月天山風似刀。城南獵馬縮寒毛。
將軍縱博場場勝。賭得單于貂鼠袍。

獻封大夫破播仙凱歌六首

漢將承恩西破戎。捷書先奏未央宮。
天子豫開麟閣待。祇今誰數貳師功。

岑文本集

九上

官軍西出過樓蘭。營幙傍臨月窟寒。
蒲海曉霜凝馬尾。葱山夜雪撲旌竿。

鳴笳疊鼓擁回軍。破國平蕃昔未聞。
大夫鵠甲搖邊月。大將龍旂掣海雲。

日落轅門鼓角鳴。千羣面縛出蕃城。
洗兵魚海雲迎陣。秣馬龍堆月照營。

蕃軍遙見漢家營。滿谷連山遍哭聲。
萬箭千刀一夜殺。平明流血浸空城。

暮雨旌旗濕未乾。胡烟白草日光寒。
昨夜將軍連曉

戰蕃軍只見馬空鞍

春興戲題贈李侯

黃雀始欲銜花來。君家種桃花未開。長安二月眼
看盡。寄報春風早為催。

草堂村尋羅生不遇

數株溪柳色依依。深巷斜陽暮鳥飛。門前雪滿無人
迹。應是先生出未歸。

山房春事二首

風恬日暖蕩春光。戲蝶遊蜂亂入房。數枝門柳低衣

谷未集

桁。一片山花落筆林。

梁園日暮亂飛鴉。極目蕭條三兩家。庭樹不知人去
盡。春來還發舊時花。

酒泉太守席上醉後作

酒泉太守能劍舞。高堂置酒夜擊鼓。胡笳一曲斷人
腸。座上相看淚如雨。

題觀樓

荒樓荒井閑空山。關令乘雲去不還。羽蓋霓旌何處
在。空留藥臼向人間。

磧中作

走馬西來欲到天。辭家見月兩回圓。今夜不知何處宿。平沙萬里絕人烟。

赴北庭度隴思家

西向輪臺萬里餘。也知鄉信日應疎。隴山鸚鵡能言語。為報閨人數寄書。

逢入京使

故園東望路漫漫。雙袖龍鍾淚不乾。馬上相逢無紙筆。憑君傳語報平安。

岑參集

九十三

醉戲竇子美人

朱唇一點桃花殷。宿粧嬌羞偏髻鬟。細看只似陽臺女。醉著莫許歸巫山。

秋夜聞笛

天門街西聞搗帛。一夜愁殺湘南客。長安城中百萬家。不知何人夜吹笛。

胡歌

黑姓蕃王貂鼠裘。葡萄宮錦醉纏頭。關西老将能苦戰。七十行兵仍未休。

戲問花門酒家翁

老人七十仍沽酒。千壺百甕花門口。
道傍榆莢仍似錢。摘來沽酒君肯否。

春夢

洞房昨夜春風起。遙憶美人湘江水。
枕上片時春夢中。行盡江南數千里。

